

Reglament per ils Promoturs e Protecturs della Romania

Objekttyp: **Group**

Zeitschrift: **Igl Ischi : organ della Romania (Societat de Students Romontschs)**

Band (Jahr): **28 (1941)**

PDF erstellt am: **17.07.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Reglament

per ils Promoturs e Protecturs della Romania

1. En mintga liug, che dumbra silmeins 8 commembers, posseda la Romania in **Promotur**, che tegn en égl ils interess della Societad e promova quels ton ch'el po.

2. En special sorprendan ils Promoturs de distribuir ils Ischis e Tschespets de mintg' onn. Per quei intent procura il Cassier della Romania, che mintga Promotur obtegni in diember sufficient ded Ischis e Tschespets; il Promotur reparta els, incassa igl import e tarmetta quel ton pli spert al Cassier (schec postal X 1188). Prezi 2. fr.

3. Per fundament vala § 1 dils **Statuts** della Romania che secloma:

La Romania consista de commembers activs, honoraris e passivs. — Commember activ sa mintga student (scolar) romontsch daventar. Commember honorari daventa scadin activ, havend absolvii ses studis. Sco passiv vegn scadin auter abbonent dils

organs ufficials consideraus. — **Ils commembers activs ed honoraris retraian Ischi e Tschespet, ils passivs silmeins in de quels.**

4. Il Promotur posseda ina **exacta gliesta dils commembers**: activs, honoraris e passivs de siu liug. Ils activs ed honoraris ein tenor statut obligai de prender Ischi e Tschespet, cu quels comparan, ils passivs silmeins ina de quellas publicaziuns.

5. Ils Promoturs duein sezs distribuir Ischi e Tschespet, ne tarmetter ina persuna carschida, buca mo in affon. Els duein, casegliond casa per casa, encurir de gudignar **novs commembers** e nudar quels ella gliesta.

6. Sch' il Promotur anfla per bien, sa el era — sut sia controlla — ereger in **deposit** de Ischis e Tschespets en ina stizun de siu vitg. La stizun renda quen al Promotur, il Promotur al Cassier della Romania.

7. Ils Promoturs han per lur breigias ina provisiun de 20 cts per exemplar.

8. Ina posiziun speciala han ils activs rimnai en collegis e scolas. Els formeschan leu academias u schiglioc gruppas e gaudan la premura d' in **Protectur**. Talas academias u schiglioc gruppas havein nus a Mustér, Glion, Cuera, Sviz, Friburg, Berna, Turitg etc. Quels activs, che retraian Ischi e Tschespet de cuminonza entras il Protectur, survegnan quels per 1 fr. 50.

9. Essend l'organisaziun els davos onns en bia loghens stada zun muncusa, vegnan ils Promoturs e Protecturs — cun capientscha e prudientscha — a saver vender bia **Ischis e Tschespets vegls**, el medem temps cul niev. Quei ton pli ch' ils Ischis e Tschespets vegls vegnan dai ad interim per prezi reduciu.

10. Promoturs e Protecturs stattan en continua-da correspondenza cul Cassier e fan dafertontier vegnir da quel ils exemplars ch' els basegnan.

11. Promoturs e Protecturs veglien era haver quita, che las bibliotecas els collegis ed els vitgs seigien provididas cun nossas publicaziuns.

12. Il Cassier tarmetta tuttas spediziuns adina **franco**. Quei simplifichescha igl incassar.

13. Sco ils Protecturs fan els collegis tenor program de scola, aschia duein ils Promoturs era se spruar de tener silmeins inagada ad onn ina **sera u in suentermiezd romontsch** en nos vitgs ed uclauns. Cun in discuors romontsch sur in tema romontsch. Cun in referent clamaus neutier u ord igl agen miez. Quellas discurreidas ein zun adattadas de dar entruidament a nies pievel de guder nos auturs. Nus vein fatg experienza che nies pievel ha era senn per nos poets. Ina ballada de Giachen Caspar Muoth per exempel presentada ella dretga viarva, plai senz' auter e dat anim.

14. La spediun a singuls commembers ed abonnts, egl jester e dumiesti, daventa direct entras il Cassier. Era egl jester savein nus aunc far grondas conquistas de commembers, ussa ch' il senn per il romontsch sco lungatg nazional ei svegliaus ell' entira Svizzeria ed ordeifer quella.

15. De grondissima impurtonza ei il contact denter il Comite d' ina vart ed ils Promoturs e Protecturs d' autra vart. **Contact viv e continuau.** Comite e Promoturs e Protecturs sescrivan e sevisetan duront igl onn ora. Era per las radunonzas romontschas els vitgs stattan ils commembers dil Comite — e dil **Cussegl** niev-constituü — en disposiziun cun plaid e fatg.

16. Sentelli che nus sesurvin bugen de nos fegls periodics (Gasetta, Vusch dils Mats, Pelegrin), per propagar nossas ideas. Ei fuss era buca sproposit de publicar enqualga ina «emprova» ord il Tschespet u Ischi per ex. ella Vusch dils Mats.

Promoturs e Protecturs!

Nus vesein con che dependa da Vossa premura, vasta eglia da ed iniziativa. Per quei: Frestg vinavon, mes Mats! Quei che nus fagein per la cultura romontscha ei el meglier senn dil plaid era Defensiun spirtala della patria.

Sevgein, ils 15 de settember 1940.

Bistgaun Cathomas, president.